



*Aquí qualque dichas, comparasons, prodòmias e expressions pescadas empr'aici que nos ensenhan que l'adjectiu «polit» servís fòrça en occitan !*

## Comparasons...

**Polit coma una flor**

**Polida coma una anja, coma un angelet**

**Polit coma un còr**

**Polida coma un sòu, coma un sòu nòu**

**Polit coma un calelh**

**Polida coma lo jorn, coma lo jorn de Pascas**

**Aquel cat es tot polidet**

## ⓪ lo contrari !

**Talhon de laid** (*morceau de laid*)

**Es pas plan polidàs**

**Aquí un polit mèrle** (*ironic*)

**Laid coma un pesolh**

**Laid coma un fosseron**

**Laid coma un espaurugal**

**Laid coma un jorn de cisampa**

## Biais de dire e expressions

**Plan polit que te vòlga encara !**

**Plan polit qu'agèm un lièch per cadun e de que manjar !**

**As un polit capèl, quand farà de pichons me'n gardaràs un !**

**Aver lo mal polit** (*accoucher*),

**Fa polit temps** (*il fait beau*).

## La polidetat a cò de las bèstias...

**Polida (o polidèla)** es la mostèla (*belette*) dins una bona part d'Albigés.

**Polidas, polidas ! A l'ostal nòu, qu'al vièlh i plòu !** (formula per far pausar un eissam d'abelhas)

## Prodòmias

**I a pas cap de ròsa tan polida que venga pas una gratacuola.**

**Òrre en borrassa, polit en plaça.**

**Tot mainatge que plora vendrà polit.**

**Balaja nòva fa polit ostal.**

**La polidetat se manja pas, se leca.**

**Polit dessus, traucat dejós** (se ditz dels abitants de Sauvatera de Roègue).

**La polidetat remplís pas lo granièr.**